



~~C7887~~

40

Ud 7040.

Biblioteka Jagiellońska



stdr0012418

#. Ud 7040

- 1, Discoufus contemporaneus.
- 2, Considerationes monetales.
- 3, Sunt ad signum Dedication
- 4, id. latine
- 5, Dedicationis monetalis
- 6, Discoufus de re monetaria.
- 7, Epistola mercatoris.
- 8, Dowd iarney etc.
- 9, Versus pro plegi Londiniorum.

31

# Brevis & exacta DEDUCTIO

damnorum, quæ ex diversis Sor-  
tibus Monetalibus, quales hoc tempore in  
Regno Poloniæ cuduntur, in primis vero ex  
cupreis Solidis, exoriuntur.

Una cum fundamentali Refuta-  
tione Scripti Cujusdam Polonici,  
cujus titulus est:

*Informacia Względem Szelagów.*

Excerpta, & latine Conversa ex  
Epistola Polonica fidelis cujusdam Patriotæ  
Prutenici, ad quendam Nobilem  
Polonum.


---

ANNO M DC LXI.

## Admonitio ad Lectorem.

**H**æc Deductio antehac Polonice ac Germanice fuit edita. In quibus editionibus error est supputationis damni ex Trigrossis provenientis, inde ortus, quod Probatores duas tantum ab initio Trigrossorum particulæ nacti fuerant, ex quarum instituta Proba persuasi sunt, ex una Marca confici particulæ 145. unde facta est computatio enormous illius damni 57. flor. in 100. Postea nacti sunt Maream integræ & deprehenderunt Maream constitutæ ex particulis seu petiis 120. atq; inde confici damnum 30. flor. 25. gr. in 100. quod & sic satis grande est. Duæ ergo petiæ illæ, ex quibus prior Proba facta est, fuerant, ut apparet, ex levioribus. Quod sciri ab initio non potuit. In hac latina versione ista aberratio correcta, & res ad iustum Computum reducta est. Tu Lector bene vole favebis sinceræ ingenuitati adversus malignitatem eorum, qui errorem non destinato sed ex acciduti commissum cavillari non erubescunt.

1066876



Irca postremâ Commissionem  
Monetariam, qvæ Warsaviæ Anno  
1659. celebrata est, conclusum fuit  
ut duæ Millions solidorum cupre-  
orum, altera pro Regno, altera pro  
Mago Ducatu Lithuaniae cuderentur.  
Pariterq; a Proceribns illic  
præsentibus tam Domino Legato Brandenburgico,  
quam Civitatis Gedanensis Ablegatis expresse atq; ite-  
ratis vicibus fuis declaratum, quod illi cuprei Solidi in-  
tra complexum Regni & Magni Ducatus Lithuaniae  
coerceri, neq; terris Prussiae obtrudi, aut in eas im-  
portari deberent.

Præterea conclusum fuit, ut Orthonum in poste-  
rum cudendorum 30. petiæ in unam marcam fierent,  
continentes argenti puri decem Iothonos & duodecim  
denarios.

Quod vero ad cæteras minutiores Sortes attinet,  
quibus argentum cupro permixtum inest, quales sunt.  
Sex-grossi, Trigrossi, Pultoraki seu sesquigrossi, &  
Grossi, ab ijs cudendis esse omnino supersedendum.

Quemadmodum istorum omnium, in primis de-  
clarationum supradictarum probe meminisse pote-  
runt Illustrissimi Proceres, qui illi Commissioni in-  
terfuerunt aut potius præfuerunt.

A 2

Quod

Quod autem talia Conclusa ex illo tempore non fuerunt, uti oportebat, observata, id imputandum est privatis quibusdam suum commodum quærentibus, qui rem monetariam in Regno Poloniæ in statum tam perditum deduxerunt, ut damnum quod inde ad universos Regnicolas, computando a supremis ad infimos, necessariò devolvitur, eos in extremam perniciem conjecturum, & vel decem bellis futurum sit exitiosius.

Ad id liquidius demonstrandum, necesse est excutere singulas fortes monetales in specie, quantumq; in unaquaq; sit damni, juxta Probas de super fide integrâ institutas, ostendere. Initium vero fiet ab illis sortibus, in quibus cuprum cum argento, ut loquuntur, ligatum est.

Orthones ante Commissionem Monetariam postremam, juxta ordinationem quandam, quam illius temporis Thesaurarius Supremus Arrendatori Mone-tæ privatim concesserat, ita fuerunt cusi, ut petiæ 32. unam Marcam facerent, neq; Marca plus argenti puri quam decem lothonos & quatuor denarios contine-ret. Quanquam autem affirmari non possit, quod isti-usmodi Orthones post præmemoratam Commissionem in Regno fabricati sint; certum tamen est, Orthones tales, quales Commissione ordinaverat, nempe petiarum 30. in Marcam, continentem 10. Lothonos

&

& 12. denarios, hactenus in conspectum publicum non prodijisse, quin potius animadvertere licuit, quod illi tam pondere quam ligâ deteriores Orthones, proce-dente tempore, abundantius in promiscuo usu esse cœ-perint: unde magna exoritur præsuptio, id gen⁹ Ortho-num clanculum, per quosdam privatos, anteriori seu primo typo monetali percuti, & sensim obtrudendo divulgari.

Orthones, qui durante bello ad hoc usq; tempus in Ducatu Prussiæ & Gedani cusi sunt, continent argen-ti puri in Marca integros undecim lothonos, juxta Mo-netariam comissionem, de Anno 1623. & fiunt ex Marca petiæ 30. Marcapura expendit pro 26. flor. 5½ gr.

Contra novi Orthones Polonici continent in Marca argenti puri lothonos 10. cum 4. denarijs, & fiunt ex Marca petiæ 32. Atq; ita Marca argenti puri ex-pendit pro - 30. flor. Differunt ergo hi novi Ortho-nes ab Orthonibus Regiomontanis & Dantiscanis -- 3. flor. 24½ gr. Facit in florenos Centum. 15. flor. 27. gr.

Qui itaq; 100. florenos habet in novis Orthoni-bus Polonicis, quoad verum pecuniæ valorem flo-reños 15. grossos 27. minus habet, quam qui 100. flore-nos in Dantiscanis & Regiomontanis Orthonibus pos-sidet.

Id lucrum 15. florenor. & 27. grossor. de Centum pellice

pellicere potest Monetarios, ut non tantum Thaleros, sed etiam Dantiscanos, Regiomontanos, & Orthones veteres Polonicos conflent, & in hoc novum genus Orthorum transmutent.

Sexgrossi, Trigrossi, Sesquigrossi, vigore factarum circa nuperam Monetariam Commissionem declarationum, plane non debuerunt eudi. Effective autem compertum habetur, quod Bydgostiæ, & alibi in Regno, novorum Sexgrossorum maxima cudatur quantitas, quæ passim divulgatur tam in Regno, quam in hac Regali Prussia, longè majori cum lucro Monetariorum & perniciosiori cum damno Regnicolarum, quam uti in Orthonibus paulo ante deductum est.

Veterum Sexgrossorum 54. particulæ faciunt Marcam, quæ continet argenti puri  $7\frac{1}{8}$  lothonos, Expenditur Marca pura pro - 24. flor.  $7\frac{1}{2}$  gr.

Novorum Sexgrossorum particulæ 58. constituant Marcam, quæ in se continet argenti puri tantum 6. lothonos. In his Marca argenti puri expenditur pro — — — — — 31. flor.

Atq; ita amplius quam in veteribus. 6. fl.  $22\frac{1}{2}$  gr.  
Facit in florenos 100. — — 28. fl. 3. gr.  $1\frac{1}{2}$  8

Quos 28. flor. 3. gr.  $1\frac{1}{2}$  8 Monetarius de centum florenis lucratur, & Regnicolæ eam summam de ijsdem perdunt. Singulæ autem petiæ novorum Sexgros-

grossorum in vero valore 1. gr. 5. q minus habent, quam petiæ veteres.

Veteres Trigrossi, qui hactenus in promiscuouisu fuerunt, continent in una Marca lothonos 7. argenti puri. Ex Marca fiunt particulæ 108. Marca pura expenditur pro 24. flor. 18. gr.

Novorum Polonicorum Trigrossorum ex una Marca fiunt particulæ, 120. in Marca sunt 6. Lothoni argenti puri. Marca pura expenditur pro — — — — — — — 32. fl. — — Atq; ita amplius quam in veteribus — 7. fl. 12. gr. Deteriores sunt veteribus in flor. 100 — 30. fl. 25. gr

Sesquigrossi, dicti Pultoraki, quibus hactenus usi fuimus promiscue, habent argenti puri Lothonos  $5\frac{13}{16}$ . Marca argenti puri expenditur pro — — 26. fl. 25. gr. 3. q.

Hoc tempore in Regno Poloniae novi Sesquigrossi cuduntur. Quorum petiæ  $18\frac{5}{8}$  constituunt Marcam. In Marca sunt argenti puri lothoni  $4\frac{1}{2}$ . Marca pura expenditur pro — — 33. flor. — — atq; ita amplius quam in veteribus 6. fl. 4. gr. 15. q. Facit in 100. flor. — — — 25. fl. 20. gr. 2. q.

Si ista omnia probe considerentur, facile inde talis fit conclusio, quod brevi tempore non Thaleri duntaxat, sed quoq; veteres Orthones, Sexgrossi, Trigrossi, & Sesquigrossi intercipiantur, conflabuntur, &

in

in depravatas species transformabuntur, maxime in novas illas sexgrossales & trigrossales, quandoquidem in illis damnum est Regnicolarum & lucrum Monetariorum flor. 28. In istis vero flor. 30. gr. 25. in florenos 100. nempe si cum veteribus Sexgrossis & Trigrossis respective conferantur.

Hæc damna tam Publicum quam quilibet privatus sentiet 1. in Reditibus, & proventibus. 2. in emtione rerum omnium quibus Publicum pro conservatione Status, & quilibet privatus pro necessaria sui sustentatione indiget.

Qui antehac in redditibus habuit florenos 100. hoc tempore, quando solutio ipsi fiet in novis Sexgrossis, revera non amplius percipiet, quam flor. 72. Si vero ipsi fiat solutio in novis trigrossis, loco 100. florenor. recipiet florenos 69. gr. 5. & sic proportionaliter in reliquis sortibus ante specificatis.

Unde & precia rerum necessario augebuntur; & si qui Thaleri vel aliæ sortes ponderis & ligæ veteris conflationem effugiant, necesse est, ut talium, uti quoque Ducatorum Ungaricalium valor ex crescatur, eo usq; donec verum valorem Monetæ depravatae adsequantur. Quod experientia omnium temporum satis docuit. Et jam nunc Cracoviæ & in alijs Regni Civitatibus sex grossi in Thalatum, duodecim vero in Dūcatum pro super-

superpondio dantur, quando quis tales species cum illis sortibus, quæ modo in Regno cuduntur, permutare intendit.

Quod quidam arbitrantur, Precia rerum per leges & Constitutiones Regni ad certam normam redigi in eaq; contineri posse; ea erronea & absurdâ est opinio. Etenim impossibile est, istiusmodi Leges & Constitutiones in Observantium deducere; nisi quis velit Regnum Poloniæ & Provincias annexas extra omne plane commercium ponere. Non enim inventetur Mercator aliquis adeo delirus, qui pro mercibus probis improbos nummos domum reportare, aut in hujusmodi regione velit negotiari, ubi nihil commodi, plurimum vero damni certi & inevitabilis habeat expectandum.

Quæ breviter ita deducta manifeste demonstrant, in quanta damna Regnum Poloniæ & eo pertinentes Provinciæ conijciantur per novas cum argento ligatas sortes Monetales, uti nunc in Regno cuduntur. Poscent & alia damna ac præjudicia inde provenientia demonstrari, nisi justis de causis brevitati esset studendum.

Longe autem ista non ad æqvant immane illud damnum, quod ex cupreis Solidis proficiscitur, quorum incredibilis copia intra Regnum cuditur, iisq; omnia fere implentur, ac velut inundantur.

B

Con-

Conclusum equidem fuit circa s̄epe memoratam Commissionem Monetariam de Anno 1659. ut duæ Millions istiusmodi solidorum cuderentur, ex quibus Respublica speciale aliquod commodum, quod tunc quoq; disfiniebatur, posset percipere.

Compertum autem est, solidos illos cupreos intra Complexum Regni non retineri, sed in Terras Prussias invehiri, contra s̄epe repetitas declarationes. Tum & alia diversa emerserunt variorum abusu præjudicia quæ si circa Commissionem, sic satis festinanter expeditam, nec prævideri singula, nec mature accurataq; considerari omnia potuerunt, id vero excusationem facile me rebitur.

Qnō circa injuste faciet, si quis de quovis Reipublicæ Cive honesto ac cordato, cui incolumitas Republicæ & tot Millionum fidelium & bonorum Incolarum Regni & annexatum provinciarum curæ cordiq; est, maligne sentiat, ipsive vitio vertat, quod id scđulo & industrie det operam, quo & ipse extremum hoc exitium, certamq; ruinam evitet, seq; indemnum præstet, & fideliter alios de tanto malo præmoneat.

In primis occasionem huic rei præbuit scriptum quoddam Polonicum, nuper typis passim divulgatum, sub titulo: Informacia względem Szelągów, captiose adornatum, ad fucum imperitis faciendum in re aperta.

Ut

Ut recto ordine procedatur, conduceat, ut 1. breviter deducatur, quale damnum revera ex illis cupreis solidis publice ac privatim enascatur. Et deinde 2. ut Objectiones atq; incrustationes, per quas Informator pravum hoc commercium defendere intendit, refellantur, pariterq; detegantur intercurrentia Absurda.

Damnum summarie in eo consistit, quod is, qui 100. florenos in istis novis cupreis solidis accipit, in verovalore nihil amplius quam 15. flor. penesse habeat: adeo, ut in 100. florenis perdantur floreni 85. & qvidem juxta ipsissima Informatoris præsupposita, qui præcipue tria præsupponit.

Primo, quod talium solidorum cupreorum 150. petiæ seu particulæ faciunt Marcā unam. Quod ita esse ipsi concedatur, quandoquidem negari non potest ejus generis aliquos reperiri; quanquam pleriq; longe sint leviores, sic ut petiæ 160. 170. & fere 180. Marcam constituant. Sed transeat hoc, concedaturq; Informatori, ut 150. petiæ computentur in Marcam.

Secundo præsupponit Informator quod 16. Marcarum idem pondus sit cum pondere 8. librarum. Cum tamen sit satis cognitum quod una libra  $2\frac{1}{2}$  Lothonis & paullo amplius duabus Marcis præponderet. Unde 16. Marcaæ tantum efficiunt  $7\frac{1}{2}$  libras, & non plus. Verum & hoc præsuppositum ipsi conceditur, ita tamen ut quod in libra

B 2

una

una amplius existit, quam in Marcis duabus, id ipsi imputetur pro interramento metalli, quod ex conflatione solet provenire.

Tertio præsupponit, quod libra cupri computari debeat pro grossis 15. dum precium cupri in Marcis 16 computat ad flor. 4. Ex quo sequitur, quod cuprum, ex quo 100 flor. solidorum cupreorum conficiuntur, sit librarum 30. libra pro 15. grossis computata fiunt flor. 15. Huic addi debent, quos informator Thesauro Regni pro lucro imputat, floreni 36. de 100. florenis; deinde pro sumptibus Monetariis aliisq; floreni 10. cum grossis  $22\frac{1}{2}$  in florenos 100. Qui sumtus accurate & satis largiter computati sunt, prout demonstrari poterit; in primis postquam de interramento jam antea ipsi satisfactū.

Ex antecedentibus sequens fit computus. Cuprum pro 100. flor. constat — 15 flor. — — —  
Thesaurus lucratur — — 36. flor. — — —  
Monetales & alii sumptus — — 10. flor. 22. gr. 9. 8

Summa 61. flor. 22. gr. 9. 8

Monetarius itaq; supra precium cupri  
& sumtus omnes, sibi lucratur — 38. flor. 7. gr. 9. 8

Summa 100. flor. — —

Ex quo fit manifestum, Monetarij lucrum ex solidis cupreis superare lucrum Thesauri. Quod vero Thesaurus lucratur, minime compensare potest enor-  
me

me illud damnum fl. 85. in fl. 100. quod ad unumquemque, qui hujusmodi pecuniam recipit, necessario redundat. Insuper & hoc considerandum, quod præter binas illas circa Commissionem placitas Millions, etiam alia binæ Millions, vel plures fabricari, & in Poloniam invehi possint, unde nullum ad rationes Thesauri lucrum proficiscetur. Sed de hoc circa Informationis refutationem agetur pluribus.

Quemadmodum jam evictum est, ex 100. florennis solidorum cupreorum in vero valore cupri tantum superesse possessori flor. 15. atque ita flor. 85. ex flor. 100. amitti. Sic inde sequitur, quod, quando Millio eorundem solidorum juxta cupri valorem venditur, in qua sunt cupri 2500. Centenarij, computando Centenarium ad flor. 60. recipientur pro tota massa — — — flor. 150000  
Amittuntur in una Millione. flor. 85000

Summa flor. 100000

In duabus Millionibus damnum est. flor. 1700000

Monetario lucratur ex una Millione flor. 382500

ex duabus Millionibus. flor. 765000

Superest, ut ipsa Informatio super solidis, quæ nuper idiomate Polono per Typum in Lucem data est, examinetur, & absurditates in ea contentæ detectantur.

Principio Informator instituit comparationem inter solidos Sveticos, qui à multo jam tempore intra Regnum fuere in usum promiscuo, & inter novos istos cupreos, & satagit persuadere, quod novi isti solidi cuprei non solum bonitate sua Sveticos superent ad  $40\frac{2}{3}$  fl. in Centum; verum etiam, quia Resp. nihil lucri percipit ex solidis Sveticis, ideo Polonicos cupreos Reip. ad flor.  $76\frac{2}{3}$  in Centum minus esse damnosos, quam sunt Svetici. Quod Autor mirifica admodum ratione demonstrare laborat.

Præsupponit ex Polonicorum solidorum 150 pettis unam Marcam constitui, quæ efficiat grossos 50. Ita ut 16. Marcæ expendantur pro — fl. 26. — gr. 20. — Pro cupro esse computandum — fl. 4. — — Amitti itaq; in fl. 26. gr. 20. — — fl. 22. — gr. 20. —

Hæc omnia ipsi conceduntur, prout ea ipse posuit. Sed sequitur ex proprio illo ipsius præsupposito, quod si quis recipiat 26. fl. 20. gr. in solidis cupreis, in iis damnum sentiri 22. fl. 20. gr. Atq; ita de 26. fl. 20. gr. quoad verum metalli valorem, duntaxat 4. floros salvos habere.

Ex adverso præsupponit Informator, 360. petias Sveticorum solidorum constituere Marcam unam, quæ in se contineat argenti puri, 1. lothonum & 3. denarios. In 16. Marcis istiusmodi Sueticorum solidorum,

rum, quæ expenduntur pro 64. fl. reperiri argenti puri Marcam unam, & tres lothonos. Computando Marcam purum ad 24. fl. fieri

fl. 28. — gr. 15.  
Cupri precium in illis esse fl. 3. — — 20.

Summam esse fl. 32. — — 5.  
Amitti itaq; in 64. florenis — fl. 31 — — 25.

fl. 64 — — —

Quod ad pondus, seu bonitatem extrinsecam attinet, conceditur particulas 360. solidorum Sveticorum farere Marcam unam. At vero circa ligam seu bonitatem intrinsecam, compertum est, quod non 1. loth. 3. 8. sed 1. loth.  $5\frac{1}{2}$  8. argenti puri in una Marca eorundem solidorum contineantur, quod deducetur postea. Sed ponatur hoc quoq; tantisper; nempe non aliter se habere bonitatem intrinsecam, quam uti ipse præsupponit Informator; tamen ex computo, quem ipse instituit, dilucide apparet, quod in 64. florenis Sveticorum Solidorum aliquanto minus quam dimidium nempe 31. fl. 25. gr. amittantur, & quod is, qui florenos 64, in solidis Sveticis recipit, in justo valore metalli salvos habeat fl. 32. gr. 5.

Informator ponit consequenter: quia in 16. Marcis solidorum Sveticorum amittuntur 31. fl. 25. gr. in totidem vero Marcis solidorum cupreorum tantum

fl. 22.

fl. 22. gr. 20. ideo rem esse evidenter, minus esse  
damnum amittere 22. fl. 20. gr. quam amittere 31. fl.  
25. gr.

Mera hæc est Sophistica. Satis quidem manife-  
stum est, damnum 31 fl. 25. gr. majus esse damno flor.  
22. 20. gr. Sed contra reputando, quis tam simplex  
est, qui non animadvertisca minus esse habere flore-  
nos 4. quam habere fl. 32. 5. gr. De florenis 26. & 20.  
gr. solidorum Polonicorum perdo fl. 22. gr. 20. &  
tantum salvos habeo 4. fl. hoc est ne quartam qvidem  
partem ejus quod antea habui. At vero, ex ipso In-  
formatoris præsupposito, de 64. fl. solidorum Suetico-  
rum perdo 31 fl. 25. gr. salvos itaq; habeo 32. fl. 5. gr.  
hoc est paullo plus quam dimidium ejus quod recepi.

Cui jam persuadebitur, cupreos Polonicos solidos,  
in quibus amitto plus quam tres quartas partes totius,  
superare bonitate sua fl.  $4\frac{3}{7}$  in 100. solidos Sveticos  
in quibus non amitto totum totius dimidium? Aut  
quis crederet, minus esse damni, si de 100. fl. 15. fl. sal-  
vos habeam, quam quando de 100. fl. ultra 50. fl. pe-  
nes me retineo?

Verum enimvero per Probas authenticas com-  
pertum habetur, uti antea paucis fuit indicatum,  
quod Marca solidorum Sveticorum non 1. Loth: 3. 8.  
sed 1. Loth:  $5\frac{1}{2}$  8. argenti puri contineat. Quam  
Pro-

bam in ulteriori deductione, potius quam præsuppo-  
situm Informatoris sequi, conveniens esse videtur.

Facilioris tamen computationis causa ponantur 1.  
Loth. 5. 8. & fiat inde computus, qui sequitur.

Petiæ 360. solidorum Sveticorum constituunt Mac-  
cam unam. Marca expenditur pro 4. florenis. Argent-  
i puri in una Marca sunt 1. Lothonus. 5. 8. Expendun-  
tur 16. Marcæ pro fl. 64. continentes intra se argenti pu-  
ri Marcam unam & 5. Lothonos.

Computando M. argenti puri a. 24. fl. — 31. — 15.  
In cupro  $6\frac{13}{16}$  lb. a 15. gr. — — — fl. — 3. — 12.  
Damnum ergo est — — — fl. — 29. — 3.  
fl. — 64. —

16. Marcæ Solidorum Polonicorum, juxta Infor-  
matoris præsuppositum, quod ipsi concessum ante  
fuit, expenduntur pro — — — fl. 26. gr. 20.  
Cup., quod in illis est, cōput. pro fl. 4. fl. 26. gr. 20.  
Damnum, quod inde exoritur fl. 22. 20. gr. fl. 26. gr. 20.

Si jam invicem ponatur calculus, deprehenditur,  
quod in fl. 64. Solidorum Sveticorum damnum sic  
 $29\frac{1}{10}$  fl. in 64. vero fl. novorum Cupreorum Solido-  
rum ex fl. 64. amittantur fl.  $54\frac{2}{5}$ .

Si quis cognoscere desideret, quantum utriusq;  
generis solidi inter se in 100. fl. differant, is jam scire po-  
terit ex Informatoris præsupposito, in 100. fl. Solido-  
rum

rum Cupreorum esse 30. libras cupri, & computando libram pro 15. gr. inde fieri — — fl. 15.

In 100. fl. Solidorum Sveticorum, juxta Probas probatas sunt argenti puri 2 Marcæ & 13. denarij; computando Marcam pro 24. fl. fiunt fl. 49. 6. 10 $\frac{1}{8}$ . Cupri premium in 100. fl. — — fl. 5. 9. 6 $\frac{5}{8}$ .

Summa fl. 54. 15. 16 $\frac{7}{8}$

Eat nunc Informator & contendat persuadere imperitis; Quod solidi, in quibus de 100. fl. amitto fl. 85. meliores sint fl. 40 $\frac{2}{3}$  in Centum, illis solidis, in quibus de 100. fl. tantum 45. fl. circiter amitto.

Expresse autem praecustoditum & manifestatum est, ista modo non deduci, ac si solidi Suetici essent probandi aut laudandi; quos potius pro prava admodum moneta reputandos, eorumq; extirpationem, ut & alterius cujuscunq; depravata moneta, exoptandam esse, ne mo bonus negabit. Sed superiora eo saltем fine ita demonstrata sunt, ut informatoris incongruae comparationes, & absurdæ assertiones tanto dilucidius in conspectu ponerentur.

Ut vero illas absurditates incrusteret Informator, postulat, ut discrepantiae ex pondere, non ex valore desumantur. Qvod si obtineret, vicisset. Nemo autem adeo simplex est, qui non intelligat, magnam esse differentiam inter 16. Marcas puri puti cupri, quare

rum premium est fl. 4. & totidem Marcas, in quibus sunt una Marca, cum 6. Lothonis argenti puri, cuius premium est fl. 31. gr. 15. præter cuprum, quod cum argento illo est ligatum.

Præterea Informator delusionem suam illo potissimum praetextu justificare cupit, quod Thesaurus de 100. fl. solidorum Polonicorum 36. fl. de Sueticis vero solidis nihil omnino lucratur. Sed jam ante indicatum fuit, id lucrum non esse magnopere considerandum, præ immensis damnis, quæ ex istiusmodi prava moneta publice ac privatim existere necesse est. De quo infra pluribus agetur.

Id vero Informator sedulo cavet, ne vel verbulo attingat illos 38. fl. 7. gr. 9. 8. quos Monetarij de 100. fl. cupreorum solidorum sibi lucrantur, detractis jam impensis omnibus, ut supra demonstratum est.

Porro contendit Informator, argentum, cuius exigua quantitas in minutis nummis cum cupro ligata est, non posse separari nisi per impensas, quæ verum istius argenti valorem exsuperent; Immo id plane evanescere & perire, velut si quis duos congiis vini triginta congiis aquæ affundat, & deinde vinum postulet ab aqua secernere.

Contra vero affirmant, qui operas igniarias frequen-

quentant, & metallas secernere probe callent, non magna esse artis, de 100. fl. Solidorum Sveticorum fl. 49. gr. 6. den. 10<sup>3</sup> argenti puri, quod in illis 100. fl existit, per vim ignis separare: & haut-dubie ignorare Informatorem, quod non raro ducentæ immo trecentæ Marca metallorum ligatorum uni magno catino, seu foco secretioni metallorum adaptato simul imponi, atq; ita possint separari. Sumtus quidem aliquos ad eam rem requiri, qui tamen quintam partem valoris separati argentino excedant.

Simile de Vino aquæ affuso nulla ratione quadrat ad ligaturam metallorum. Neq; enim ignis operari quicquam potest, ut vinum ab aqua secernatur, licet operetur separationem argenti a cupro. Et si isti Simili locus esse debet, jam inde sequetur, quod nulla detur metallorum separatio licet pari quantitate conflatorum. Neq; enim repertus est hactenus qui quindecim congios vini a quindecim congiis aquæ idonee atq; effective secreverit.

Ait Informator, nullum ex Sveticis solidis lucrum vel commodum presupponi posse, licet in officinas Monetales delatis plus apponatur argenti, & inde nummi ad ligam sesquigrossorum, aliarumve specierum cudantur. Cujus opinionis duas profert rationes. 1. Quia non invenietur Monetarius qui facul-

facultates tantas habeat ut septem vel octo Millions Sveticorum Solidorum (tantundem enim in Poloniā investum fuisse præsupponit) possit coëmtere. 2. Quia impossibile est, tantum conquerere argenti, quantum ad ligandam adeo grandem Metalli quantitatē opus futurum est.

Sed respondeatur. I. Non necesse esse, ut omnes solidi Svetici, intra Regni fines reperiundi, simul semelq; coëmantur; neve, ut Monetarius uno tempore omnes fornaci separatoriz imponat; cum id successive fieri possit, prout summæ modicæ, per intervalla, acquiri possunt. Sic enim argento illo puro, quod ab una summa secrevit, aliam iterum solidorum summam, ad probam grossorum vel sesquigrossorum ligare, idq; toties quoties repetendo, pecuniam pecunia acquirere, argentum semper reperire, & tandem sensim septem vel octo Millions, ( si verum est, tantundem inveniri) ad se avertere, & transmutare poterit.

Profert Informator exempla Principum externorum, in primis Regis Gallie, qui monetam ex puro puto Cupro cudi faciunt. Sed circa hoc duo principue notanda sunt. 1. Vix inveniri regionem aliquam, in qua moneta adeo vilis tanta fabricetur quantitate, ut memorabilium quoq; sumarum solutiones inde fiant; sed fere ideo tantum cuditur, quo usibus plebis, &

pauperculorum ad necessitates quotidianas subserviat, & in summarum minutiorum persolutione cæteris monetæ sortibus loco supplementi sit. Quomodo autem non pauci hoc tempore in Polonia, circa solutiones, solidis istis cupreis utantur, experientia docet, & magis docebit in posterum, quando omne cuprum, quod adhuc sub malleo est, erit elaboratum. In Svecia sane solutiones s̄epe fiunt in moneta cuprea, sed illa, quoad pondus, seu bonitatem extrinsecam, ejus semper valoris est, ut, licet inde ahena conficiatur, nullum tamen sit damnum. 2. Monetæ cupreæ, quam cudi curavit Rex Galliæ, 4. particulæ in usu promiscuo ejus sunt valoris, cuius est sesquigrosus Polonicus. Singulæ autē particulæ habent pondus trium solidor. Polon. cupreorum. Illa itaq; moneta cuprea Gallica in 100. fl. continet libras cupri  $87\frac{1}{2}$ , computando libram pro 15. gr. efficiuntur 43. fl.  $22\frac{1}{2}$  gr. Multum ab illa distat Polonica moderna, qua tantum 15. fl. in cupro continentur in 100. florenis.

Addit Informator, prudenter esse excogitatum, ut moderni solidi Polonici ex mero cupro fierent, ne propter gravitatem ponderis Exteri aliunde similes invehherent, quod propter impensas invectionis nihil lucri sint percepturi.

Quam adsurdum id sit, ex eo apparet, quod ipse  
In-

Informator asserit, prope ad 8. Millions Solidorum Svecicorum in Poloniā fuisse invenītas, quorum bini aliquanto minoris sunt ponderis, quam unus Polonicus, neq; ex 100. fl. plus lucri est quam 46. fl. Quis exterorum non tentaret saltem dimidiam quantitatem cupreorum solidorum ad formam Polonicæ monetæ effigiatorum importare, ex quibus lucrum esset 85. fl. in 100. fl. grande enim hoc lucrum invectionis sumptus largissime compensat.

Notandum autem præcipue est, quod Warsavia quidem typus seu character monetalis modernis cupreis solidis incutitur. Cuprum vero ad characterem illum recipiendum adaptatur & elaboratur tam in districtu Olivensi prope Gedanum, quam in Silesia, & prope Hamburgum ac Lubecam ubi Cuprū in officinis ferrariis extuditur, secatur in laminas, per cylindros ad levigationem devolvitur, postremo ferramentis in orbiculos, seu particulas convenientes rotundatur. Notum enim est, quod istiusmodi orbiculorum in praefato tractu Olivensi plurimi Centenarij præparati, & curribus Warsaviam sint deveni. Sic quoq; competitum habetur, Lubeca atq; Hamburgo anno superiori, usq; ad 14. Febr. anni presentis, 660. Centenarios ejus generis orbiculorū Gedanum mari advectos, atq; inde terra Warsaviam fuisse transportatos. Ex Silesia

magna quoq; copia eo convehitur, partim in orbiculis, partim in laminis, quibus in orbiculos concisis postea typus monetalis incutitur. Ante aliquot hebdomadas quindecim grandia vasa, qualibus pruna Ungarica devehuntur, repleta istiusmodi Silesiacis laminis, sed, quia orbiculi Warsaviæ jam fuerant excisi, omni ex parte perforatis, Gedanum Warsavia devenuta fuerunt, ut in vicinia conflarentur, inq; laminas levigarentur, quo denuo inde orbiculi fieri, illi q; Warsaviam ad recipiendum characterem Monetalem revehi possent.

Hic consideret, qui sensum communem habet, si Monetarii, qui intra Regnum sunt, laminas & orbiculos elonginquo in Regnum curribus invehere, imo vehere, ac revehere, & nihilominus plurimum possunt lucrari: cur non auderent exteri solidos similes, charactere ac typo effigiato insignitos, importare, maxime quia Thesauro illos fl. 36. de fl. 100. non persolvent, sed eosipsi sibi lucrabuntur?

Hæc vero est illa potissima consideratio, cur lucri, quod Thesaurus Regni ex duabus Millionibus, intra Regnum & M. D. L. cundendis, exspectat, non æque debeat haberis ratio, quam incredibilis damni, quod ex Millionibus (quæ tam intra quam extra Regnum, ultra placitas duas Millions, cudi possunt) est metuendum, maxima cum pernicie Publici & privatorum; nullo Thesauri emolumento.

Sub.

Subjungit Informator, aliás quoq; difficile esse imitari solidos Polonicos cupreos, id vero impossibile esse non affirmat.

Primo enim ipsa dictat ratio, longe facilius esse, ex uno metallo, uti ex puro puto cupro, solidos formare, quam eos ex argento & cupro ita ligari, ut in una Marca justa Proba 1. Lothoni & 5, den. coincidat.

Secundo absurdum est, quod typus monetalis Polonicus non æque artificiose ab aliis possit effigiari. Monetarii Polonici sine dubio non unius sed plurium opera ad suos illos typos monetales coficiendos utuntur, neq; possunt ignorare, quod Aurifabrorum ita dicti Socii ad id æque idonei aptiq; reperiantur, sive illi sint Germani aut Silesiaci, sive Poloni & Itali.

Postremo Informator proponit consilium seu medium, Sveticos nempe solidos ad minus redigendi preciū quo tam eorum in vectio impediatur, quam Reipublicæ aliquod exinde conficiatur commodum. Sed hoc consilium absolute ad lucra Monetariorum Regni directum est. Sienim Svetici solidi minoris fiant valoris per aliquam legem, quam qui est novorum Polonicorum, proclive foret Monetariis Polonicis, medianibus novis solidis Polonicis Sveticos omnes ad se converrere: nec postea ipsis defutura esset ars, atq; ratio, argentum a cupro compendiose separandi, intra

D

anni

anni spatium nullis amplius solidis Sveticis intra Regnum comparitur.

Præsupponatur Sveticos solidos redigi ad mediatem valoris, qui nunc est, hoc pacto Monetarij pro 100. fl. solidorum Polonicorum acquirerent 200. flor. Sveticorum solidorum, in quibus continentur 4. Marcæ. 1. Loth 10 $\frac{1}{2}$ . argenti puri. Computando Marcam pro 24. fl. fiunt 98. fl. 13. gr. 2 $\frac{1}{4}$  g. Cupri valor, quod in his est, efficit 10. fl. 18. gr. 13 $\frac{3}{4}$  g. fit inde summa 109. fl. circiter. Qui fl. 109. acquirerentur pro 15. fl. quot, quo ad intrinsecā bonitatem in fl. 100. cupreorum solidorum continentur. Posterius hoc lucrum, prius longe superabit.

Si tantum lucri ex Sveticis solidis proveniet, quanto plus emolumenti homines lucripetæ sibi comparabunt, ubi Thaleros, bonæq; notæ Ottones, & alias argento ligatas species, cupreis solidis permutaverint. Licet enim duplum dederint in moneta cuprea, pro simplo monetæ argenteæ, aut argento ligata, lucrum tamen incredibiliter magnum erit. Tandemq; (nisi huic malo tempestive obvietur) necessario eveniet, ut omnis moneta aurea, argentea, aut argento ligata, maxime illa, quæ melioris notæ est, ex Polonia exterminetur, siatq; Orbis Polonicus, Orbis plane cupreus.

Infor-

Informator Discursum suum hoc concludit epiphonemate: Regnum Poloniæ tandem aliquando agnaturum, quantum commodi ad Rem publicam ex moderni so' idis profluxerit.


Supra indicatum est, præsumtum ex novis solidis Reip. commodum minus esse commodo Monetariorum, nullaq; ratione cum damnis emormibus conferri posse, quæ publice privatimq; omnia pessundabant.


Damna privatorum ex ante-deductis abunde manifestantur; nihilominq; per subsequens obviae simplitatis exemplum, in superfluum demonstrabitur.

Aliquis Regnicola habet aliquot athena, 100. circiter librarum, quæ vel usu corrupta, vel aliâs ipsi duplicant, ea Monetariis vendit 50. fl. computando libram pro grossis 15. solutio ipsi fit in istis novis solidis cupreis, quæ (si exactissime examen instituatur) revera nihil amplius quam 14. libras efficiunt. Si jam idem Regnicola velit ab opifice nova athena, prout sibi melius videbitur, confici, pro 100. libris veterum ahenorum, 14. libras novorum reportabit, & insuper pro opificis mercede 5. grossos persolvet in singulas libras.

Confido, per supra deducta abunde atq; evidenter esse evictum, pravæ monetæ diversarum sortium

tium necessario & quantocuyus ponendum esse obi-  
cem. Quomodo autem id fieri debeat, quave ratione,  
bona, per omnes species, moneta passim introducenda  
fit; id vero illud est, quod unusquisq; honestus corda-  
tusq; Rep. Civis, qui vel sententiæ dicendæ in Rep.  
vel consilii suppeditandijus habet, serio ac tem-  
pestive expendere, & quod maxime saluta-  
re esse existimaverit, in commune  
debet conferre.





Hist. Polon.  
a, general.

